

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

XXI.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

de gratia novi testamenti ad Honoratum, quò Justificationis fundamenta, ut ab eodem patre solerter tractata, sint animadvertenda: Atque ita in sacris studiis peragitur ipsis tempus antemeridianum, de quibus solemus in prandis conferre. Pomeridianum autem iussi impendere Philosophicis studiis cum exercitio styli, de quibus ad singulas cœnas pariter collationem instituimus. Hic accedunt prælectiones sacræ publicæ & disputationes consuetæ, ut nunquam illis desit, quod agant. Habent ad ea exercitia domesticos contubernales nec ineptos, nec ignavos. Dabo operam, ut publicè privatimque exerceantur, quo Ecclesiæ forisque usui & ornameto sint, senectuti tuæ jucundus baculus. Utinam verò quam est prompta voluntas mihi, tam sit parata facultas ad efficiendum, quod cupio. Spero tamen, daturum esse Dominum, ut quamlibet infirma nostra opera non sit infrugifera. De Illyrico mihi dolet, eum undiquaque tot machinis peti, idque ab iis etiam, quos minime vellemus & expediat, ut deploremus, quod Josephus de Hierosolymis queritur: in seditione seditionem. Sunt hæc non minima extremorum temporum indicia. DEUS bone, quos ludos & triumphos exhibebit hoc certamen adversariis? verum hæc nec nova sunt nec inusitata, adeoque & veritatis fulgentis argumenta, nec dubito, quin hæc sint bono cessura Ecclesiæ, quæ dum à Sathana tot machinis impugnatur, clarior redditur & firmior: Probatos etenim & manifestos oportet fieri & ad vigilantiam, invocationemque excitari torpentes. Sed bene vale, vir Reverende & charissime Frater, cum uxore, familia, collegis. Salutarant te reverenter D. D. Coccius, Fueglinus, qui restitutus fungi denuo ministerio suo cœpit. Scripsi Basileæ, die 24. Octobr. Anno 170.

Tuus ex animo frater

Sulcerus.

XXI.

S Rationes expensarum per filios tuos accipis, quos intelligas nihil frustra impendisse, idque etiam ne deinceps fiat, providebo. Quanquam mea etiam in parte cura nihil magnopere opus est, quando suâ sponte frugi sunt juvenes, neque se vel helluonibus jungant, vel emacitate laborant. Vestes parantur utrique, sicut convenit, & jam de Philippi affectu in maxilla sanando spes est, ex medici nostri celeberrimi Plateri & Chirurgi exercitissimi consilio curabitur: ut radix dentis, ex quo noxa commodè evellatur, & si quid ex osse mandibulæ fortè arrosum sit, purgetur, quo ex fundamentis sanari vulnus possit, quod jam in fistulam cœperat degenerare. Studia utriusque bellè procedunt DEI gratia. Theseos partem; hoc est, quindecim Axiomata

mata propofuit hesternâ die Philippus, easque præclare sustinuit, respondente Juvene Laureato, & ipso præside, me verò disputationem gubernante pro Academia more. Idem in reliquis fiet, ut solidius excutiantur singula disputationibus pluribus, quæ una satis pertractari omnia non queunt. Versantur & in Philosophicis studiis præter Theologica, suaque in iisdem exercitiis habent: ut si res ita poscat, ea etiam in parte præstare scholæ possint operam non infrugiferam. Hæc de filiis eorumque studiis, quibus præcor benedicat Dominus JESUS. Per cætera altum est silentium apud nos de Gallia & Germaniæ statu, deque bello Turcico, de quibus, si quid habes, rogo significes. Florenos centum accepi per Augustum Bechlium, declaras ea in parte, piam pro nostra œconomia curam. Et agit mea conjunx maximas gratias pro misso munere ad mercatum, parata, si possit hanc liberalitatem tuam officio compensare. Scripsi Basl. 25. Novembr. Anno 70.

Tuus ex animo frater

S. Sulzerus.

XXII.

S Quam grata mihi fuerit vel bidui, & ejus quidem non totius, tua & Flinæ consuetudo, dici vix potest, eoque magis doluit tam citò abruptam, dolet idem multis de Ecclesia nostra, quod docentes audire nequiverint, fuisse certe doctrinam vestra Ecclesiæ nostræ ut grata: ita frugifera. Quod filios atinet, placent mores candidi & modesti, quibus pientissimam educationem probant, ut confidam, eos non degeneraturos. Atque si mea illis conversatio ad doctrinam & pietatis profectum tam faciat, quam cupio, operam Basileæ non sunt lusuri, & hoc ipsum clarum esse Dominum spero. Ad concludendum arrium & philosophiæ cursum jam toti incumbunt, ut lauream Magisterii adepti toti sese philosophiæ celesti tradant, in qua persequenda si quam tu methodum præscriperis, curabo eam ut assidue sequantur, quanquam hoc ipsum sua sponte facturos scio. Equidem quantum me ames, quantumque confidas meo qualicumque studio, abundè æstimo, simul autem etiam onus reputo, quo depositum, quod habes in terris gratissimum, non illatum tantum, sed & auctum restituum. Fueglinus noster adhuc affligitur, quem velim orationibus tuis juves, ut Ecclesiæ nobisque restitatur. Si quid de Comitibus Spirensibus, aut ex Germania habes, quæso significa, & bene vale